

Gvangjsih Minzcuz Bau

ganhau: CN45-0036 B.2013 Nd.12 Ng.11 liggaueq gveiqceih nienz ndwenit cogouj

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3102期

Gih Raeuz Bi 2013 Vahcuengh Saw- cuengh Suijbingz Gaujsi Gauj Sat

广西2013年度壮语文水平考试圆满结束

Bonjbauq siusik (gicej Veiz Yennaz) 12 nyied 7 hauh laj-byonghgoenz, Gvangjsih Boux-cuengh Swcigih bi 2013 Vahcuengh Sawcuengh suiijingz gaujsi youq Nanzningz、Baksaek gawjhengz, itgungh miz 318 boux camgya gaujsi. Doenghboux camgya baez gaujsi neix miz guekgya gunghvuyenz、swyez danhvei bouxguenjieix、giyez cizgungh caeuq lauxsae gak cungj hagdangz、daihagseng daengj, ndawde Bouxcuengh ciemq 89%. Nanzningz gaujdenj bouxgaujsi

nienzgeij ceiq oiq 16 bi, ceiq geq 76 bi. Baez gaujsi neix, neiyungz baugvat Sawcuengh gihcuq cihsiz、gyoebswz cauxgawq、doeg saw lijgaij、Sawcuengh Sawgun doxhoiz caeuq sij faenzcieng. Gaujsi baen baenz sam gaep—cogaep、cunggaep caeuq gaugaep, bouxgauj cingzciak dab-daengz byauhcuinj le(60 faen ndaej habgek), Swcigih Minzyijveij fat-hawj daengjgaep cwngsuh.

Bi 2012, Gvangjsih youq Nanzningz guh baez daih'it Sawcuengh Vahcuengh suiijingz gaujsi, ganbu

ginzcung Bouxcuengh gangj gig ndei, baezneix gaujsi dwg baez daihngieih, lij youq Baksaek demgya aen gaujden ndeu.

Guh Sawcuengh Vahcuengh suiijingz gaujsi, dwg gvancez dangj caeuq guekgya minzcuz yijvwnz cwngcwz fazgveih, baujcanj gij gienzleih vah saw saujsu minzcuz, fazveih gij fuzvu goengnaengz Sawcuengh Vahcuengh youq ndaw sevei swngghoz haenx, ndaej coicaenh Sawcuengh Vahcuengh byauhcuinjva、gveihfanva、sinsizva fazcanj.

SIUSIK DINJ 简讯

● Gaenh bi daeuj, Ningzmingz Yen gyarengz youq 3 aen Yauzcuz cunh guh fuzbinz haifat, haenqrengz soengq fazliz、gohgi、vwnzva hawj 2000 lai boux beixnuengx Yauzcuz, gyagiengz baenzfouq naengzlig gyoengqde.

(Cauh Yizganh)

● Dangqnaaj, Sanhgyangh Dungcuz Swciyen daengx yienh dajndaem gocaz menciz mauhgvaq 14 fanh moux. Mboengqneix, ndaw yienh neix gyoengq nungzminz cingq youq ngoenz mbwn ndei haeuj suencaz bae mbaet buek mbawcaz ceiq laeng.

(Yangz Mingz)

● Duenh seizcou laeng, Gvangjsih nungzyez bumwnz ca seizgan, daihlig doihaeuj seizcou seizdoeng dajndaem, daengz 10 nyied lajcib, daengx gih gaenq dajndaem doenghgo 1213 fanh moux, doengzbeij demlai 10 lai fanh moux. Dangqnaaj cingq gyavaiq dajndaem, ceng ndaem daengz 1877 fanh moux.

(Yiz Sienghceenz)

● Daj 10 nyied ndawcib daengz 11 nyied co, Gveilinz Si Minzveij cujciz “minzcuz doxgiet senhconz siujfwnhdui” haeuj daengx si gak minzcuzyangh nem dieg saujsu minzcuz comzyouq haenx guh senhgyangj hozdung, dawz minzcuz cwngcwz dangj raeuz daiq daengz mbanj Myauzcuz nem Dungcuz, neix ndaej vunzlai angqcoux.

(Dangz Fanghsun Gungh Yungj)

● Daengz 10 nyied, Lingzyinz Yen lai miz suencaz youjgih 5000 moux doxhwnj, gajj ndei suencaz canjlieng daemq haenx 10000 moux; daengx yienh dangqnaaj miz suencaz youjgih 11.2 fanh moux, cazauij canjlieng 4512 dun, doengzbeij demlai 10.5%; canjciz 2.62 ik maenz, doengzbeij demhwnj 18.6%; hoh ndaem caz bingzyaenz souhaeuj 23240 maenz, moix boux souhaeuj 5189 maenz, beij bi' gvaq doengzgeiz demhwnj 18.6%.

(Loz Hihhaij)

Swcigih Minzyijveij Hai Hoih Hagsib Dangj Cibbet Gaiq Sanhcungh Cenzvei Cingsaenz

自治区民语委召开学习党的十八大精神大会



Bonjbauq siusik(gicej Veiz Yennaz) 12 nyied 2 hauh, Swcigih Minzyijveij hai hoih hagsib dangj Cibbet Gaiq Sam cung Cienzhoih cingsaenz. Aen hoih neix youz Swcigih Minzyijveij fucujyin Yangz Gijbyauh cujciz, Swcigih Minzyijveij fucujyin Vangz Cenzcungh camgya, Minzyijveij daengx-gyoengq ganbu cizgungh、boux lingjdauj cizsuz danhvei, bangguenj danhveih camgya.

Yangz Gijbyauh youq gwnz hoih hopngomx 《Aen Gietdingh Cungghung Cunghyangh Gvendaengz Cienzmielh Haeujlaeg Gaj-gwz Lai Aen Vwndiz Naekhung》, sijsaeq lwnhgangj le Cibbet Gaiq Sam cung Cienzhoih cingsaenz, caemh iugouz gyoengq ganbu cizgungh aeu nyinhcaen hagsib Sam cung Cienzhoih cingsaenz, roxdaengz gij yi yi naekhung de, giethab saehsaed, guh ndei hong swheij. Ndaew doz dwg hai hoih yienhcieg.

Gunghcwngz: Nungzminz Dajciengx Noufaexcuk Baenzfouq

恭城：竹鼠养殖让农民致富

“Bi' gvaq, gou ndaej gai noulwg 1000 lai doiq, souhaeuj cinghseuq mauhgvaq 26 fanh maenz.” Boux gangj vah neix dwg Gunghcwngz Yauzcuz Swciyen Gunghcwngz Cin Couhdangz Cunh Mbanjyangzliuicingj boux dajciengx noufaexcuk heuhguh Gangh Mingz. Gaenh bi daeuj, aen yienh neix yenveij、cwngfuj gibseiz gajjbiengq gij dajsuenq, haenqrengz

sonyinx nungzminz fazcanj gij hanghmoeg dajndaem roengzngaenz siuj、seizgan dinj、ndaej sou lai haenx, yienhneix le dajciengx noufaexcuk couh hoengh hwnjdaej lo. Yienz-naeuz doenghboux lumj Gangh Mingz bi ndaej geijcib fanh haenx mbouj miz geijlai, danhseih gizgiz cungj miz doenghboux doenggya q dajciengx noufaexcuk moix boux

ndaej 4000 daengz 5000 maenz. Daengz bi' gvaq byaisat, daengx yienh miz doenghgij ranz dajciengx noufaexcuk haenx 1670 hoh, bi ndaej gai noufaexcuk 20 fanh duz, canjciz mauhgvaq 3000 fanh maenz, ndaej canh 2000 lai fanh maenz, bingzyaenz moix hoh canh 1.2 fanh maenz.

(Cauh Binjsiuh Cinz Cwng)